

Zaburi 68:1(1,2) Zaburi iyi yahimbiwe umutware w'abaririmbyi. Ni indirimbo ya Dawidi yitwa Zaburi. 2 Imana izahaguruka abanzi bayo batatane, Kandi abayanga bazahunga mu maso hayo.

Zaburi 5:9,10(10,11) Kuko ari nta murava uri mu kanwa kabo, Imitima yabo ni igomwa risa, Umuhogo wabo ni imva irangaye, Bashyeshyesha indimi zabo. 10(11) Mana ubagire uko ugira abanyabyaha, Imigambi yabo ibatere kugwa, Ibicumuro byabo byinshi bigutere kubirukana, Kuko bakugomeye.

Zaburi 7:1,2 (1-3) Shigayoni ya Dawidi yaririmbiye Uwiteka, ku bw'amagambo ya Kushi wo mu muryango wa Benyamini. (2) Uwiteka Mana yanje, ni wowe mpungiraho, Ntabara, nkiza abangenza. 2(3) Urya muntu ye gushishimura umutima wanje nk'intare, Awushwatagura ari nta wuntabara.

Zaburi 11:6 Azavubira abanyabyaha ibigoyi, Umuriro n'amazuku n'umuyaga wotsa, Bizaba umugabane mu gikombe cyabo.

Zaburi 18:2(3) Uwiteka ni igitare cyanje n'iglihome cyanje kinkingira n'umukiza wanje, Ni Imana yanje n'urutare rwanje rukomeye, Ni we nzahungiraho, Ni we ngabo inkingira n'ihembe ry'agakiza kanje, Ni igihome cyanje kirekire.

Zaburi 18:14(15) Arasa imyambi ye atatanya abanzi banje, Ni yo mirabyo myinshi arabirukana.

Zaburi 18:17(18) Ankiza umwanzi wanje ukomeye, N'abanyangaga kuko bandushaga amaboko.

Zaburi 18:39(40) Kuko wankenyereje imbaraga kurwana, Abampagurukiye bakantera warabangomoreye.

Zaburi 18:45(46) Abanyamahanga babaye imihonge, Bava mu bihome byabo bahinda imishyitsi.

Zaburi 18:48(49) Inkiza ababisha banje, Ni koko unshyira hejuru y'abampagurukira, Unkiza umunyarugomo.

Zaburi 23:3 Ni we ungaruramo intege, ni indahemuka anyuza mu nzira nziza.

Zaburi 27:11 Uwiteka, ujye unyigisha inzira yawe, Unyobore inzira y'igihamo ku bw'abanyubikira.

Zaburi 31:15(16) Ibihe byanje biri mu maboko yawe, Unkize amaboko y'abanzi banje n'abangenza,

Zaburi 34:4(5) Nashatse Uwiteka aransubiza, Ankiza uwomba nari mfite bwose.

Zaburi 34:7(8) Marayika w'Uwiteka abambisha amahema yo kugota abamwubaha, Akabakiza.

Zaburi 34:13(14) Ujye ubuza ururimi rwawe rutavuga ikibi, N'iminwa yawe

itavuga iby'uburiganya.

Zaburi 34:17-19(18-20) Abakiranutsi baratatse Uwiteka arabumva, Abakiza amakuba n'ibyago byabo byose. 18(19) Uwiteka aba hafi y'abafite imitima imenetse. Kandi akiza abafite imitima ishenjaguwe. 19(20) Amakuba n'ibyago by'umukiranutsi ni byinshi, Ariko Uwiteka amukiza muri byose.

Zaburi 35:1-8 Zaburi ya Dawidi. Uwiteka burana n'abamburanya, Rwana n'abandwanya. 2 Enda ingabo nto n'inini, Uhagurukire kuntabara. 3 Kandi ushingure icumu mu ntagara wimire abangenza, Ubwire umutima wanje uti "Ni jye gakiza kawe." 4 Abashaka ubugingo bwanje bamware bagire igisuzuguriro Abajya inama yo kungirira nabi basubizwe inyuma, Baterwe ipfunwe. 5 Babe nk'umurama utumurwa n'umuyaga Kandi marayika w'Uwiteka abirukane. 6 Inzira yabo ibe umwijima n'ubunyereri, Kandi marayika w'Uwiteka abagenze. 7 Kuko bantegeye ikigoyi ku bushya badafite impamvu, Kandi badafite impamvu bateze ubugingo bwanje ubushya. 8 Kurimbuka kumutungure, Ikigoyi yateze abe ari we gifata ubwe, Akigwemo arimbuke.

Zaburi 35:10 Amagufwa yanje yose azavuga ati "Uwiteka ni nde uhwanye nawe? Kuko ukiza umunyamubabaro umurusha amaboko, Ukiza umunyamubabaro n'umukene ubanyaga."

Zaburi 36:7-9(8-10) Mana, erega imbabazi zawe ni iz'igiciro cyinshi! Abana b'abantu bahungira mu gicucu cy'amababa yawe. 8(9) Bazahazwa rwose n'umubyibuho wo mu nzu yawe, Kandi uzabuhira ku ruzi rw'ibyishimo byawe. 9(10) Kuko aho uri ari ho hari isōko y'ubugingo, Mu mucyo wawe ni ho tuzabonera umucyo.

Zaburi 37:5 Ikoreze Uwiteka urugendo rwave rwose, Abe ari we wiringira na we azabisohoza.

Zaburi 37:23,24 Iyo intambwe z'umuntu zikomejwe n'Uwiteka, Akishimira inzira ye, 24 Naho yagwa ntazarambarara, Kuko Uwiteka amuramije ukuboko kwe.

Zaburi 37:40 Kandi Uwiteka arabatabara akabārura, Abārura mu banyabyaha akabakiza, Kuko bamuhungiye.

Zaburi 39:1(1,2) Zaburi iyi yahimbiwe Yedutuni, umutware w'abaririmbyi. Ni iya Dawidi. (2)Naribwiye nti "Nzirindira mu nzira zanje, Kugira ngo ntacumuza ururimi rwanje. Nzajya mfata ururimi rwanje, Umunyabyaha akiri imbere yanje."

Zaburi 41:4(5) Naravuze nti "Uwiteka umbabarire, Ukize ubugingo bwanje kuko nagucumuyeho."

Zaburi 42:5(6),11(12) Mutima wanje ni iki gitumye wiheba? Ni iki gitumye umpagararamo? Ujye utegereza Imana, Kuko nzongera kuyishimira agakiza kayo. 11(12) Mutima wanje ni iki gitumye wiheba? Ni iki gitumye umpagararamo? Ujye utegereza Imana kuko nzongera kuyshima, Ni yo gakiza kanje n'Imana yanje. (Zaburi 43:5)

- Zaburi 43:1 Mana uncire urubanza, Umburanire n'ishyanga ritagira imbabazi, Unkize umuriganya n'ikigoryi.**
- Zaburi 44:4 Kuko atari iyabo nkota yabahaye guhindūra igihugu, Kandi atari ukuboko kwabo kwabakijije. Ahubwo ni ikiganza cyawe cy'iburyo, N'ukuboko kwawe n'umucyo wo mu maso hawe, Kuko wabishimiraga.**
- Zaburi 51:4(6) Ni wowe, ni wowe ubwawe nacumuyeho, Nakoze icyangwa n'amaso yawe. Byabereye bityo kugira ngo uboneke ko ukiranuka nuvuga, Kandi uboneke ko uboneye nuca urubanza.**
- Zaburi 52:5(7) Nawe Imana izagutsema iteka, Izakujahura ikuvane mu ihema ryawe, Ikurandure igukure mu isi y'ababaho. Sela.**
- Zaburi 54:7(9) Kuko Uwiteka yankijije amakuba n'ibago byanje byose, Ijisho ryanje rikabona icyo rishakira abanzi banje.**
- Zaburi 55:18(19) Yacunguriye ubugingo bwanje amahoro, Kugira ngo batanyegera, Kuko abandwanyaga ari bensi.**
- Zaburi 59:2(3) Unkize inkozi z'ibibi, Undinde abicanyi.**
- Zaburi 60:12(14) Imana izadukoresha iby'ubutwari, Kuko ari yo izaribata ababisha bacu.**
- Zaburi 63:11(12) Ariko umwami azishimira Imana, Uyirahira wese azirata, Kuko akanwa k'ababeshya kazazibya.**
- Zaburi 66:3 Mubwire Imana muti "Imirimo yawe ko iteye ubwoba, Imbaraga zawe nyinshi zizatuma abanzi bawe bose bakugomokera, Bakagushyeshya.**
- Zaburi 68:6(7) Imana ibesha mu mazu abatagira shinge na rugero, Ibohora imbohe ikaziha kugubwa neza, Ariko abagome bakaba mu gihugu gikakaye.**
- Zaburi 68:35(36) Mana, uteye ubwoba uri ahera hawe, Imana y'Abisirayeli ni yo iha abantu bayo imbaraga no gukomera. Imana ihimbazwe.**
- Zaburi 70:1(1,2) Zaburi iyi yahimbiwe umutware w'abaririmbyi. Ni iya Dawidi yahimbiwe kuba urwibutso. 2 Mana, tebuka unkize Uwiteka, tebuka untabare.**
- Zaburi 71:4 Mana yanje, nyarura mu maboko y'umunyabyaha, Nyarura mu maboko y'umunyarugomo ukiranirwa.**
- Zaburi 71:13 Abanzi b'ubugingo bwanje bakorwe n'isoni barimbuke, Abashaka kungirira nabi bambikwe ibitutsi n'igisuzuguriro.**
- Zaburi 72:12 Kuko azakiza umukene ubwo azataka, N'umunyamubabaro utagira gitabara.**
- Zaburi 76:12(13) Izarimbura imyuka y'abakomeye, Ni yo iteye ubwoba abami bo mu isi.**
- Zaburi 79:9 Mana y'agakiza kacu udutabare, Ku bw'icyubahiro cy'izina ryawe, Udukize utwikire ibyaha byacu ku bw'izina ryawe.**
- Zaburi 86:17 Unyereke ikimenyetso cy'ibiza, Kugira ngo abanyanga bakirebe bamware, Kuko wowe Uwiteka, untabaye ukamara umubabaro.**

- Zaburi 91:14,15** “Kuko yankunze akaramata ni cyo nzamukiriza, Nzamushyira hejuru kuko yamenye izina ryanje. 15 Azanyambaza nanje mwitabe, Nzabana na we mu makuba no mu byago, Nzamukiza muhe icyubahiro.
- Zaburi 92:11(12)** Kandi ijisho ryanje ryarebye ibyo nshakira abanzi banje, Amatwi yanje yumvise ibyo nshakira abanyabyaha bampagurukiye.
- Zaburi 103:10** Ntiyatugiriye ibihwanye n'ibaya byacu, Ntiyatwituye ibihwanye no gukiraniwa kwacu.
- Zaburi 104:9** Wayategekeye ingabano atabasha kurenga, Kugira ngo atagaruka akarengera isi.
- Zaburi 107:6** Maze batakira Uwiteka bari mu byago, Abakiza imibabaro yabo.
- Zaburi 118:10,12** Amahanga yose yarangose, Mu izina ry'Uwiteka ndayarimbura. 12 Bangose nk'inzuki, Bazima nk'umuriro w'amahwa, Mu izina ry'Uwiteka ndayarimbuye.
- Zaburi 121:7,8** Uwiteka azakurinda ikibi cyose, Ni we uzarinda ubugingo bwawe. 8 Uwiteka azakurinda amajya n'amaza, Uhoreye none ukageza iteka ryose.
- Zaburi 138:3** Umunsi nagutakiyeho waransubije, Umpumurisha guha umutima wanje imbaraga.
- Zaburi 140:1(1,2)** Zaburi iyi yahimbiwe umutware w'abaririmbyi. Ni iya Dawidi. (2) Uwiteka, nkiza umunyabyaha, Undinde umunyarugomo.
- Zaburi 140:4,5(5,6)** Uwiteka, nkiza amaboko y'umunyabyaha, Undinde umunyarugomo, Bagambiriye gusunika ibirenge byanje ngo bangushe. 5(6) Abibone banteze umutego n'igisambi, Banteze ikigoyi iruhande rw'inzira, Banciriye ibico. Sela.
- Zaburi 142:6(7)** Tyariza ugutwi gutaka kwanje, Kuko ncishijwe bugufi cyane, Unkize abangenza kuko bandusha imbaraga.
- Zaburi 143:9** Uwiteka, nkiza abanzi banje, Ni wowe mpungiyeho ngo umpishe.
- Zaburi 147:14** Agira igihugu cyawe kuba icy'amahoro, Aguahaha amasaka ahunze.
- Zaburi 149:6-9** Ishimwe ryo gusingiza Imana ribe mu mihogo yabo, N'inkota ibe mu ntoki zabo, 7 yo guhōrēsha amahanga, No guhanisha amoko ibihano 8 Bakabohesha abami bayo iminyururu, N'abanyacyubahiro bayo imihama, 9 Kugira ngo babasohozeho iteka ryanditswe, Icyo ni icyubahiro cy'abakunzi be bose. Haleluya.